



Phosphorvs sive Ioannes Baptista nativitas, vita, mors

Cabilliau, Baudouin

Lovany, 1642

Ioannes cum matre sua inuisit B. Virginis Filium, interim intercurrit agnus.
Anacreonticum.

[urn:nbn:de:hbz:466:1-70001](https://nbn-resolving.org/urn:nbn:de:hbz:466:1-70001)

Putásne scribis , ac Ioannem notas ?
 Manu diserrâ hanc exprimit vocem Nilus.
 Mutâ hac tabellâ num quid eloquentius ?
 Vox ipsa Verbi sub stilo hîc cœpit loqui.

Aliud. Ad Zachariam.

Iambicum.

Quod ore fari nescias,
 Manu loqui stat æmulâ,
 Testis pugillar ceræ,
 Vocisq̄ue nomen exprimis.
 Sic fræna, quæ ceu ferreo
 Linguam coërcent vinculo,
 Dissoluis, ac os expedis
 In Verba, verba libera.
 Nascens parentem sic puer
 Infans magister erudit.
 Vox ille, nescis ? nuncia
 Verbi, Deiq̄ue conscia,
 Qua non sit vlla doctior,
 Nec vlla sit facundior,
 Quæ dat vel elingues loqui.

Ioannes cum matre sua inuisit B. Vir-
 ginis Filium , interim inter-
 currit agnus.

Anacreonticum.

Vbi puer puellum
 Inuisit, & reuisit,
 Ac mutuos ad ignes
 Conspirat hinc, & isthinc
 Concors amoris ardor:
 Tunc agnus inter errat,

Luditq̄ue

Luditque, blandiensque
 Balat, fugit, reditque,
 Ut agnus inter agnos.
 Blando gemellus agno
 Adludit & puellus,
 Cui purior Decembri
 Candor nitet pruinâ,
 Candor nitet ligustro.
 Adrisit vtriusque
 Præsens parens puelli.
 Dixitque, qui niuoso
 Par lilio renidet:
 Hic agnus ut gemello
 Æquus nitor stat agno!
 Par puritas, amorque
 Candor, decor, voluptas,
 Par innocentiaque
 Ut candet hic imago!
 Blandis vibrans ocellis,
 Blandis bibens labellis,
 Tot suauitates,
 Et tot suauitates,
 Quæ nil fiet secundum,
 Quantum beatorum:
 Est vspiam parentum,
 Est istud in gemello
 Agno videre, quali
 His agna mater agnis
 Nunc gaudio liquefcit!

Ioannes Christum adloquitur.

Iambicum dimetrum, & Anacreonticum.

Vox ipsa vocis expers,
 Facundus ille magnæ
 Vates, Elisæ filius,
 Varumque princeps gloria
 A iiij

Supplex